

Na osnovu člana 32. Zakona o javnim nabavkama Bosne i Hercegovine („Službeni glasnik BiH“, broj 39/14 ), a nakon provedenog otvorenog postupka javne nabavke za nabavku robe “PE I PVC CIJEVI”, dana 09.08.2022. godine u Gradišci, zaključen je

## OKVIRNI SPORAZUM

Između:

1. KP „VODOVOD“ a.d. Gradiška, ul. Kozarskih brigada 36 A, (u daljem tekstu: Naručilac robe koga zastupa direktor Sandro Zeničanin, dipl.inž.mašinstva, i
2. PEŠTAN d.o.o., Rade Janjuša 73, 78 252 Laktaši, (u daljem tekstu: Dobavljač), koga zastupa direktor Dragan Knežević, dipl.oec.

IB 4401164860000.

### Član 1.

Ovim Okvirnim sporazumom, ugovorne strane regulišu okvirna pitanja vezana za realizaciju nabavke robe: “Vodovodne cijevi”.

Ponuda Ponudača broj: 1407/22-1 od 14.07.2022. godine, u vrijednosti od 97.154,20 KM, bez PDV-a, čini sastavni dio ovog Okvirnog sporazuma.

Obrazac za cijenu ponude odabranog ponuđača čini sastavni dio ovog Okvirnog sporazuma.

### Član 2.

Okvirni sporazum se zaključuje na period od 1 (jedne) godine, maksimalno do iskorištenja utvrđenih okvirnih količina odnosno finansijske vrijednosti do 97.154,20 KM bez uračunatog PDV-a.

### Član 3.

Na osnovu ovog Okvirnog sporazuma ugovorne strane će zaključiti pojedinačne ugovore u toku trajanja Okvirnog sporazuma kojim će se bliže regulisati prava i obaveze za realizaciju ovog Okvirnog sporazuma, odnosno nabavku: „Vodovodnih cijevi“, čija finansijska vrijednost, odnosno period trajanja maksimalno može biti do iznosa i perioda utvrđenog u članu 2. ovog sporazuma, a što će zavistiti od potreba i interesa Naručioca robe.

Nabavka robe, odnosno realizacija Okvirnog sporazuma obavezno će biti pod uslovima utvrđenim u tenderskoj dokumentaciji i prihvaćenoj ponudi.

Naručilac robe se ne obavezuje na nabavku tenderskom dokumentacijom utvrđenih okvirnih količina u cjelosti. Stvarna realizacija zavisi od potreba Naručioca robe i raspoloživih finansijskih sredstava, ali ne može preći utvrđene okvirne količine i finansijsku vrijednost.

#### Član 4.

Isporuka robe će se vršiti sukcesivno tokom ugovorenog perioda i vrši se prema potrebama i dinamici ugovornog organa, započevši najranije nakon potpisivanja Okvirnog sporazuma, a na osnovu dostave pismene narudžbe.

Rok za isporuku vodovodnih cijevi je 3 (tri) dana od dana prijema pismene narudžbenice.

U slučaju kašnjenja u isporuci roba do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 0,5% vrijednosti naručene robe, za svaki dan kašnjenja sa isporukom robe, s tim da ukupan iznos ugovorene kazne ne može preći 10% ukupne vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od strane ugovornog organa.

#### Član 5.

Mjesto isporuke robe je sjedište Naručioca robe, na adresi Kozarskih brigade 36 A, Gradiška.

#### Član 6.

Naručilac robe će isporučenu robu platiti Dobavljaču nakon izvršene isporuke robe i ispostavljanja fakture, na žiro-račun Dobavljača broj: 5620990000202157, koji se vodi kod NLB banke.

Plaćanje isporučene robe je 60 (šezdeset) dana od dana isporuke robe i prijema računa.

Jedinične cijene su nepromjenjive tokom primjene i trajanja Okvirnog sporazuma.

U slučaju ispostavljanja fakture gdje jedinična cijena ne odgovara ugovorenoj jediničnoj cijeni, Naručilac robe neće prihvatiti istu te neće biti u obavezi plaćanja robe isporučene/fakturisane po izmjenjenim jediničnim cijenama

#### Član 7.

Dobavljač se obavezuje da će isporuku robe izvršiti kvalitetno, stručno i u predviđenom roku u skladu sa ponudom, važećim propisima i pravilima struke, instrukcijama naručitelja i odredbama Okvirnog sporazuma.

U slučaju da Dobavljač u periodu trajanja Okvirnog sporazuma bude isporučivao robu koja ne odgovara ugovorenoj ili ne poštuje ugovorene rokove isporuke, te ukoliko i nakon pismenog prigovora Naručioca robe ugovorne strane ne postignu saglasnost oko dalje realizacije, Okvirni sporazuma će se smatrati raskinutim dostavljanjem pisanog obavještenja Dobavljaču o istom.

U slučaju raskida Okvirnog sporazuma prije isteka perioda na koji je isti zaključen, finansijske obaveze proizišle iz Okvirnog sporazuma, utvrđivaće se zaključno sa danom raskida Okvirnog sporazuma.

Član 8.

Ovaj Okvirni sporazum stupa na snagu danom potpisivanja od strane Naručioca robe i Dobavljača.

Član 9.

Za sve što nije regulisano ovim Okvirnim sporazumom primjenjivaće se odgovarajuće odredbe Zakona o obligacionim odnosima RS („Službeni glasnik RS“, broj 17/93, 3/96 74/04 ) i ostali pozitivni propisi

Član 10.

Sve eventualne sporove ugovorene strane će rješavati sporazumno, u protivnom nadležan je Okružni privredni sud u Banja Luci.

Član 11.

Okvirni sporazum je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

ZA DOBAVLJAČA:

  
DIREKTOR

Broj: 06-036/22

Datum: 11.08.2022. god.

ZA NARUČIOCA ROBE :

  
Sandro Zemičanin, dipl.inž.maš.  
DIREKTOR

Broj: 0.20-1116-6/22

Datum: 09.08.2022. god.